

Siunnersummut nassuiaatit

Nassuiaatit nalinginnaasut

1. Aallaqqasiut

1.1. Siunnersummut pingaarnertut tunngaviusut

Siunnersummut pingaarnertut tunngaviuvoq Nunatta Isiginnaartitsisarfia kissaatigisimammagu ilaasortamik minnerpaamik ataatsimik aqutsinermik ilisimasaqartumik, tassunga ilanngullugu aningaasaqarnermut inatsisilerinermullu tunngatillugu ilisimasaqartumik toqqaasoqartarnissaata qulakkeerneqarnissaa.

Tamatuma saniatigut KANUKOKA 31. juli 2018 atorunnaarpoq, taamaammat inatsimmi § 4, imm. 2, nr. 2-mi suleqatigiiffik inassuteqarsinnaatitaasoq allanngortissallugu siunertamut naapertuuttutut isigineqarpoq, tassa inatsit atuuttoq malillugu KANUKOKA-soq kommunit ataatsimoorlutik inassuteqarsinnaanerannik allanngortillugu.

Tamatuma saniatigut nutarterinissaq pisariaqartinneqartoq paasineqarpoq, tassalu peqatigiiffik KAISKA atorunnaarsimavoq, massakkullu peqatigiiffik SILA Kalaallit Nunaanni isiginnaagassiortartunut sinniisuulerluni.

1.2. Inatsisissamik piareersaanermi immikkoortut pingarnerit

Siunnersuut Nunatta Isiginnaartitsisarfia aamma KANUKOKA oqaloqatigalugit suliarineqarpoq.

2. Siunnersummi immikkoortut pingarnerit

2.1. Malitassat atuuttut

Inatsit atuuttoq tassaavoq Isiginnaartitsisarfearneq pillugu Inatsisartut inatsisaat nr. 23, 18. november 2010-meersoq (isiginnaartitsisarfearneq pillugu inatsit).

Isiginnaartitsisarfearneq pillugu inatsisip § 4, imm. 1-iani aalajangersagaavoq Nunatta Isiginnaartitsisarfia siulersuisunit ataatsimoorlutik isiginnaartitsinermik ingerlataqarnermik ilisimasaqarluartunit aqutsinermillu paasisimasaqarluartunit tallimanik ilaasortaqaqtumit aquinneqassasoq.

Isiginnaartitsisarfearneq pillugu inatsisip § 4, imm. 2-ani aalajangersagaavoq Naalakkersuisut inassuteqartoqareerneratigut ilaasortassanik imatut toqqaasassasut:
1) ilaasortaq ataaseq KAISKA-mit (Kalaallit Isiginnaartitsisartut Kattuffiat) inassutigineqartoq,
2) ilaasortaq ataaseq KANUKOKA-mit (Kalaallit Nunaanni Kommunit Kattuffiat) inassutigineqartoq,

- 3) ilaasortaq ataaseq Kalaallit Atuakkiortut inassutigisaat,
- 4) ilaasortaq ataaseq nammineq piumassuseq malillugu isiginnaartitsisartut suleqatigiiffiannit inassuteqartoqareerneratigut, aamma
- 5) ilaasortaq ataaseq Nunatta Isiginnaartitsisarfiani inassuteqartoqareerneratigut.

Aamma isiginnaartitsisarfearneq pillugu inatsisip § 4, imm. 4-mi aalajangersagaavoq namminneq piumassuseq malillugu isiginnaartitsisartut kattuffeqanngippata nammineq piumassuseq malillugu isiginnaartitsisarnermik ingerlataqarnermik paasisimasaqartumik ilaasortassamik ataatsimik Naalakkersuisut toqqaassasut.

2.2. Siunnersuut

Siunnersuummi isiginnaartitsisarfearneq pillugu inatsimmi § 4, imm. 2, nr. 1 allanngortinnejarpooq, tassa "KAISKA (Kalaallit Isiginnaartitsisartut Kattuffiat/Skuespillerorganisationen i Grønland)" uannga taarserneqarpooq "SILA, Kalaallit Nunaanni Isiginnaagassiortartut Peqatigiiffiat". Taamaalilluni isiginnaartitsisartut maanna aaqqissugaanerannut tunngatillugu aalajangersagaq naapertuutsinneqalerluni. Oqaaseq isiginnaartitsisartoq isiginnaagassiortartumut allanngortinnejarpooq, tassa isiginnaartitsisartut kisimik isiginnaartitsivinni sulineq ajornerat aammali isiginnaagassiortartut, assersuutigalugu qitittartut, isiginnaartitsivinni sulisarnerat piissutigalugu.

Tamatuma saniatigut "KANUKOKA" isiginnaartitsisarfearneq pillugu inatsisip § 4, imm. 2, nr. 2-ani peerneqarpooq uanngalu taarserneqarluni "kommunit peqatigiillutik". Tamatumunnga KANUKOKA-p 31. juli 2018 atorunnaarsimanera pissutaavoq. Taamaalilluni kommunit tamarmik suli siulersuisunut ilaasortassanik inassuteqarsinnaanerat qulakkeerneqarpooq.

Isiginnaartitsisarfearneq pillugu inatsimmi § 4, imm. 2, nr. 4-mi nammineq piumassuseq malillugu isiginnaartitsisartut kattuffiat peerneqarpooq Sulisitsisut-niillu taarserneqarluni. Taamaalilluni siulersuisut katitigaanerat pillugu malittarisassani siulersuisut aamma aqutsinermik ilisimasaqartuunissaannik qulakkeerinninnissamik Nunatta Isiginnaartitsisarfiaita kissaataa akuersaarneqarpooq.

Ullumikkut nammineq piumassuseq malillugu isiginnaartitsisartut aaqqissuussaasumik ingerlanneqanngillat, taamaanngisaannarsimappullu isiginnaartitsisarfearneq pillugu inatsit atuutilermalli.

Eqqumiitsuliornermik ingerlatsineq pillugu Inatsisartut inatsisaata nr. 11, 6. juni 2016-imeersup § 12-ian eqqumiitsuliornermik ingerlatsinermut tapiinissamut tunngaviiit aalajangersagaapput, tassunga ilanngullugu isiginnaagassiortarnermut tunngassuteqartut. Tassani aalajangersagaavoq Naalakkersuisut eqqumiitsuliornermik ingerlatsinermut tapiissutaat siullertut nuna tamakkerlugu aamma inuussutissarsiuutigalugu eqqumiitsuliornermik ingerlatsinermut atorneqassasut, kommmunalbestyrelsilli

equmiitsuliornermik ingerlatsinermut tapiissutaat siullertut najukkami equmiitsuliornermik ingerlatsinermut atorneqassasut. Tassa nammineq piumassuseq malillugu isiginnaartitsisartut equmiitsuliornermik ingerlatsisuupput kommunit sallerpaatillugit tapiiffigisasaat.

Taamaammat aamma pissusissamisuussaaq kommunit ilaasortassamik inassuteqaraangamik nalilertartuuppassuk ilaasortassamik nammineq piumassuseq malillugu isiginnaartitsisarnermik ilisimasalimmik inassuteqarnissaq siunertamut naapertuutissanersoq. Tamatumungali pisussaaffiliisoqanngilaq, taamaalillutilu kommunit namminneerlutik piumasaqaatit sorliit atorlugit ilaasortassamik inassuteqartoqassanersoq, piumasaqaatillu tamakku qanoq uuttortarneqassanersut nalilersussavaat.

Massakkut § 4, imm. 4 aalajangersakkatut nutaanngorlugu allanngortinneqassasoq siunnersuutigineqarpoq, tassanilu periuserineqartoq pineqarpoq, tassalu kommunit siulersuisunut ilaasortassamik ataatsimoorlutik inassuteqarnissaminni isumaqatigiissinnaanngippata.

Aammattaaq § 4-mut, imm. 5 aamma 6 nutaat siunnersuutigineqarput kattuffiit inassuteqarsinnaasut arlaat taaguumminik allannguissagaluarpata atorunnaarsinneqassagaluarpataluunniit qanoq iliuseqartoqarnissaanik aalajangersaammik. Tamatuma kinguneraa imm. 5-9 matuma kingorna imm. 7-11-nngormata.

Nunatta Isiginnaartitsisarfia isiginnaartitsisarfeqarneq pillugu inatsimmi § 3 naapertorlugu pisortat suliffeqarfiutigivaat namminersortoq. KNR-ip qitiqsumillu ilinniarfiit aaqqissuussaanikkut inisisimannerannut tamanna assinguvoq. Suliffeqarfiup pisortat suliffeqarfiutaattut inissinneranut pingaarnertut pissutaavoq suliffeqarfiup ingerlataasa amerlanerpaartaat pisortanit aningaassalersorneqarnerat. Tassa isiginnaartitsisarfeqarneq pillugu inatsisip § 10, imm. 1-iani aalajangersagaavoq suliareqquneqartut naammassineqarnissaannut Nunaata Isiginnaartitsisarfianut ukiumoortumik aningaasaliissutit aningaasanut inatsit aqqutigalugu aalajangersarneqassasut. Aamma isiginnaartitsisarfeqarnermut inatsimmi § 10, imm. 3 naapertorlugu missingersuusiortarneq, naatsorsuuserisarneq naatsorsuutinillu saqqummiussisarneq pillugit aalajangersakkat Namminersorlutik Oqartussanut sukkulluunniit atuuttut suliffeqarfiup malittussaavai.

Taamaattoq atorfinitstaanerni atugassarititaasut pissutsillu allat, atorfinitsinneqarnermi soraarsitsinernilu pissutsit eqqarsaatigalugit Nunatta Isiginnaartitsisarfia aalajangersakkanik Namminersorlutik Oqartussani atorfefqartunut qaqugukkulluunniit atuuttunik malinnittussaanera assigalugu KNR-imut qitiqsumillu ilinniarfinnut tunngatillugit malittarisassanik aalajangersagaqanngilaq. Taamaammat siunnersummi tusarniutigalugu nassiunneqartumi aalajangersakkamik taamaattumik ilanngussisoqarnissaa siunnersuutigineqarpoq. Tamatumani Namminersorlutik Oqartussat suliffeqarfiutaanni assigiimmik atugassaqarttsisoqarnissap ataqqineqarnissaata qulakteernissaa eqqarsaatigalugu aamma aningaasarttuutinik aqutsisarneq eqqarsaatigalugu pingaarnertut suliassat qulakteernissaat siunertaasimavoq.

Taamaattoq Nunatta Isiginnaartitsisarfianit tusarniaanermut akissutigineqartoq tunngavigalugu, kinguneratigullu isiginnaartitsisarfik aamma Aningaasaqarnermut Sulisoqarnermullu Aqutsisoqarfik paasiniaaffigereerlugit aalajangersagaq siunnersuummi matumani pineqartoq allanngortinneqarsimavoq. Taamaalillunilu atorfinititsisarnerni atugassaritat allatullu pissutsit eqqarsaatigalugit aamma atorfinititsisinermi soraarsitsinernilu pissutsit eqqarsaatigalugit Nunatta Isiginnaartitsisarfia tunngaviusumik isumaqatigiissutaasumi isumaqatigiissutaasut Nunatta Isiginnaartitsisarfia Naalakkersuisullu akornanni atsiorneqartut iluanni pisussaaffeqartussaanera siunnersuuteqarfingissallugu tulluartuuvoq. Tunngaviusumillu isumaqatigiissummi tassani suut ilanngunneqassanersut peqatigitillugu siunnersuuteqarfingineqarpoq. Nunatta Isiginnaartitsisarfiani sulisut ilarpassui isumaqatigiissutinut ilaanginnerat, atorfinnullu taamaattunut isumaqatigiissusiortoqarsimannginnera tamatumunnga tunngavilersuutaapput. Aamma pilersaarutinut atorfinititsisoqartarnera atorneqangaatsiarpoq, atorfiillu taakku Namminersorlutik Oqartussani atorfinnut allanut assersuukkuminaassinnallutik.

Tunngaviusumik isumaqatigiissut pisarneq malillugu Nunatta Isiginnaartitsisarfia aamma Namminersorlutik Oqartussani atorfinititsisarnernut oqartussaasut, tassalu Aningaasaqarnermut Sulisoqarnermullu Aqutsisoqarfik, akornanni atsiorneqartussaavoq. Naalakkersuisut suleriaasiat pillugu Namminersorlutik Oqartussat nalunaarutaanni nr. 18, 9. november 2017-imeersumi § 3, imm. 2 naapertorlugu atorfinititsisinermi oqartussaasoq Namminersorlutik Oqartussani sulisunik atorfinititsinissamut, allamut nuussinissamut soraarsitsinermullu pisinnaatitaaffeqarpoq. Ataasiakkaanut atorfefqarnermi pissutsinik pingaaruteqartunik aalajangiiffiusuni sulisup pineqartup atorfilittul suliffianni pisortanit oqaaseqaammik atorfinititsinermut oqartussaasoq piniassaaq. Nunatta Isiginnaartitsisarfia pisortat suliffeqarfiutigaat namminersortitaq, taamaalillunilu Inatsisartut inatsisaatigut nalunaarutikkulluunniit allanik aalajangersaasoqarsimanngippat Namminersorlutik Oqartussanut ilaavoq, taamaammallu atorfinititsisinermi oqartussaasunut malittarisassanik malinnittussaalluni. Isiginnaartitsisarfearneq pillugu Inatsisartut inatsisaanni § 6, imm. 2-mi Nunatta Isiginnaartitsisarfianut siulersuisut isiginnaartitsisarfiup pisortaanik atorfinititsissasut aalajangersagaavoq aammalu § 7, imm. 2-mi isiginnaartitsisarfiup pisortaa Nunatta Isiginnaartitsisarfiani sulisussanik allanik atorfinititsissartusoq aalajangersagaalluni. Nalunaarut taaneqartoq tunngaviusumillu isumaqatigiissutaasoq atorfinititsisinnaanermut soraarsitsisinnaanermulluunniit inatsisitigut aalajangersarneqartunut attuivoq, tunngaviusumilli isumaqatigiissummi atorfinititsinerup qanoq pisinnaaneranut tunngavissanik tikkuussisoqarluni. Tassungalu atatillugu erseqqissarneqassaaq Nunatta Isiginnaartitsisarfia nammineerluni isumaqatiginninniarnissanut nassuaasoqarnissaanullu piginnaatitaanngimmat piginnaatitaaneq taanna Namminersorlutik Oqartussat atorfinititsisarnermut oqartussaasuiniimmat.

Siunnersuut inatsimmut atutereersumut assersuullugu	
<i>Oqaatsit atorneqartut atuuttut</i>	<i>Siunnersuut</i>

	§ 1
	<p>Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersoq imaattunik allannguuteqarpoq:</p> <p>§ 4. Nunatta Isiginnaartitsisarfia siulersuisunit ataatsimoorlutik isiginnaartitsinermik ingerlataqarnermik annertuumik ilisimasaqartunit aqtsinermillu paasisimasaqarluartunit tallimanik ilaasortaqartumit aqunneqarpoq.</p> <p><i>Imm. 2.</i> Naalakkersuisut inassuteqartoqareerneratigut ilaasortassanik imatut toqqaassapput:</p> <p>1) ilaasortaq ataaseq KAISKA-mit (Kalaallit Isiginnaartitsisartut Kattuffiat) inassutigineqartoq,</p> <p>2) ilaasortaq ataaseq KANUKOKA-mit (Kalaallit Nunaanni Kommunit Kattuffiat) inassutigineqartoq,</p> <p>3) ilaasortaq ataaseq Kalaallit Atuakkiortut inassutigisaat,</p> <p>4) ilaasortaq ataaseq namminneq kajuminermikkut isiginnaartitsisartut kattuffiannit inassutigineqartoq, aamma</p> <p>5) ilaasortaq ataaseq Nunatta Isiginnaartitsisarfiani inassuteqartoqareerneratigut.</p> <p><i>Imm. 3.</i> Ilasortat toqqarneqartut akornannit ilaasortaq ataaseq siulersuisut siulittaasuattut Naalakkersuisunit toqqarneqassaaq.</p> <p><i>Imm. 4.</i> Namminneq kajuminermikkut isiginnaartitsisartut kattuffeqanngippata nammineq kajumininnikkut isiginnaartitsisarnermik ingerlataqarnermik paasisimasaqartumik ilaasortassamik ataatsimik Naalakkersuisut toqqaassapput.</p> <p><i>Imm. 5.</i> Imm. 2, nr. 5-imi ilaasortaq inassutigineqartoq Kalaallit Nunaata Isiginnaartitsisarfiani aalajangersimasumik suliffeqartut akornannit taakkunanngalu</p> <p>1. § 4, imm. 2, ima oqaasertalerneqassaaq: ” <i>Imm. 2.</i> Naalakkersuisut inassuteqartoqareerneratigut ilaasortassanik imaallillutik toqqaassapput:</p> <p>1) SILA-mit, Kalaallit Nunaanni Isiginnaagassiortartut Peqatigiiffiat, inassuteqartoqareerneratigut ilaasortaq ataaseq,</p> <p>2) Nunatta Isiginnaartitsisarfianit inassuteqartoqareerneratigut ilaasortaq ataaseq, taamaattoq takuuk imm. 4,</p> <p>3) Kalaallit Atuakkiortunit inassuteqartoqareerneratigut ilaasortaq ataaseq,</p> <p>4) Sulisitsisut inassuteqareernerisigut ilaasortaq ataaseq,</p> <p>5) Nunatta Isiginnaartitsisarfianit inassuteqartoqareerneratigut ilaasortaq ataaseq.”</p>

<p>qinerneqassaaq.</p> <p><i>Imm. 6.</i> Ilaasortat Kalaallit Nunaanni najugaqartuussapput, 18-inik ukioqalereersimassallutik aammalu Naalakkersuisunut Inatsisartunulluunniit ilaasortaassanatik.</p> <p><i>Imm. 7.</i> Siulersuisut akunnerminni siulittaasup tullianik toqqaassapput.</p> <p><i>Imm. 8.</i> Ilaasortat ukiuni sisamani qaammatisiutit ukiuannik malinniffiusuni atuuttussatut toqqarneqassapput. Taamaallaat ataasiarluni toqqaqqittoqarsinnaavoq.</p> <p>Siulersuisuni ilaasortaq imaluunniit sinniisussaq peqataalersimasoq siulersuisuni akisussaaffimminik annertuumik sumiginnaasimasoq allatulluunniit siulersuisutut suliamik ingerlataqarnissamut naleqqukkunnaarsimasoq Naalakkersuisunit tunuartinneqarsinnaavoq.</p> <p><i>Imm. 9.</i> Naalakkersuisut siulersuisut aningaasarsiassaat aamma siulersuisunut ilaasortat aningaasartuutiminnut taartisiassaat, tassunga ilanngullugit ilaatigut angalanernut, nerisaqarnermut aamma Kalaallit Nunaata Isiginnaartitsisarfiani suliaminni najugaqarnerminnut aningaasartuutaat pillugit aalajangersakkanik aalajangersaasinnaapput.</p>	
<p>§ 4. Nunatta Isiginnaartitsisarfia siulersuisunit ataatsimoorlutik isiginnaartitsinermik ingerlataqarnermik annertuumik ilisimasaqartunit aqtsinermillu paasisimasaqarluartunit tallimanik ilaasortaqartumit aqunneqarpoq.</p> <p><i>Imm. 2.</i> Naalakkersuisut inassuteqartoqareerneratigut ilaasortassanik imatut toqqaassapput:</p> <p>1) KAISKA-mit (Kalaallit Isiginnaartitsisartut Kattuffiat) inassuteqartoqareerneratigut ilaasortaq ataaseq,</p> <p>2) KANUKOKA-mit (Kalaallit Nunaanni</p>	<p>2. § 4 imm. 4, ima oqaasertaqarpoq: <i>” Imm. 4. Kommunit ataatsimoorlutik inassutigisassartik pillugu isumaqatigiissinnaanngippata kommunit inassutigisaasa akornanniittumik Naalakkersuisut toqqaassapput.”</i></p>

<p>Kommunit Kattuffiat) inassuteqartoqareerneratigut ilaasortaq ataaseq, 3) Kalaallit Atuakkiortut inassuteqareernerisigut ilaasortaq ataaseq, 4) ilaasortaq ataaseq nammineq piumassuseq malillugu isiginnaartitsisartut suleqatigiiffiannit inassuteqartoqareerneratigut, aamma 5) ilaasortaq ataaseq Nunatta Isiginnaartitsisarfiani inassuteqartoqareerneratigut.</p> <p><i>Imm. 3.</i> Ilaasortat toqqarneqartut akornannit ilaasortaq ataaseq siulersuisut siulittaasuattut Naalakkersuisunit toqqarneqassaaq.</p> <p><i>Imm. 4.</i> Namminneq kajuminermikkut isiginnaartitsisartut kattuffeqanngippata nammineq kajuminikkut isiginnaartitsisarnermik ingerlataqarnermik paasisimasaqartumik ilaasortassamik ataatsimik Naalakkersuisut toqqaassapput.</p> <p><i>Imm. 5.</i> Imm. 2, nr. 5-imi ilaasortaq inassutigineqartoq Kalaallit Nunaata Isiginnaartitsisarfiani aalajangersimasumik suliffeqartut akornannit taakkunanngalu qinerneqassaaq.</p> <p><i>Imm. 6.</i> Ilaasortat Kalaallit Nunaanni najugaqartuussapput, 18-inik ukioqalereersimassallutik aammalu Naalakkersuisunut Inatsisartunulluunniit ilaasortaassanatik.</p> <p><i>Imm. 7.</i> Siulersuisut akunnerminni siulittaasup tullianik toqqaassapput.</p> <p><i>Imm. 8.</i> Ilaasortat ukiuni sisamani qaammatisiuitit ukiuannik malinniffiusuni atuuttussatut toqqarneqassapput. Taamaallaat ataasiarluni toqqaqqittooqarsinnaavoq. Siulersuisuni ilaasortaq imaluunniit sinniisussaq peqataalersimasoq siulersuisuni akisussaaffiminik annertuumik sumiginnaasimasoq allatulluunniit</p>	
--	--

<p>siulersuisutut suliamik ingerlataqarnissamut naleqqukkunnaarsimasoq Naalakkersuisunit tunuartinneqarsinnaavoq.</p> <p><i>Imm. 9. Naalakkersuisut siulersuisut aningaasarsiassaat aamma siulersuisunut ilaasortat aningaasartuutiminut taartisiassaat, tassunga ilanngullugit ilaatigut angalanernut, nerisaqarnermut aamma Kalaallit Nunaata Isiginnaartitsisarfiani suliaminni najugaqarnerminnut ningaasartuutaat pillugit aalajangersakkanik aalajangersaasinnaapput.</i></p>	
	<p>3. § 4-mi imm. 4-p kingorna immikkoortut nutaatut ilanngunneqassapput:</p> <p>” <i>Imm. 5. Kattuffiit imm. 2, nr. 1, 3 aamma 4-mi eqqaaneqartut arlaat taaguumminik allannguissagaluarpat inassuteqarneq taassumannga isumagineqassaaq.</i></p> <p><i>Imm. 6. Kattuffiit imm. 2, nr. 1, 3 aamma 4-mi eqqaaneqartut atorunnaarsinnejassagaluarpata Naalakkersuisut ilaasortamik toqqaassapput kattuffiup atorunnaarsinnejartup suliassaqarfigisimasaanik ilisimannittumik.”</i></p> <p><i>Imm. 5-9 tamatuma kingorna imm. 7-11 - nngussapput.</i></p>
	<p>4. § 7-ip kingornagut ilanngunneqassaaq:</p> <p>” § 7 a. Nunatta Isiginnaartitsisarfia atorfinitserinermi atugassarititanut allatullu pissutsinut, atorfinitserinermi soraarsitsinernilu atugassarititanut tunngatillugu tunngaviusumik isumaqtigiiissummi Nunatta Isiginnaartitsisarfia Naalakkersuisullu akornanni atsiorneqartumi isumaqtigiiissutaasut iluanniinnissamik pisussaaffeqarpoq, takuuk imm. 2.</p> <p><i>Imm. 2. Tunngaviusumik isumaqtigiiissut atorfinitseriaatsinut, tunngaviusumik akissarsiat qaffassisusiiinut, tapinut, akissarsiat iluarsiiffigisarnerinut,</i></p>

	pensionisianut ilangussinermut atorfinititsinermilu atugassarititanut nalinginnaasunut aalajangersakkaniq minnerpaamik imaqassaaq.”
	§ 2 Inatsisartut Inatsisaat manna ulloq 1. august 2019 atutilissaaq.

3. Aningaasat tungaasigut allaffissornikkullu pisortanut sunniutissai.

Siunnersuut pisortanut aningaasaqarnikkut allaffissornikkullu kinguneqarnissaa ilimagineqanngilaq.

4. Aningaasat tungaasigut allaffissornikullu inuussutissarsiusutnik ingerlatsisunut sunniutissai.

Siunnersuut inuussutissarsior tunut aningaasaqarnikkut allaffissornikkullu sunniuteqartussatut ilimagineqanngilaq.

5. Avatangiisinut, pinngortitamut inuillu peqqissusaannut sunniutissat

Siunnersuut avatangiisinut, pinngortitamut imaluunniit inuit peqqissusiannut sunniuteqassasoq naatsorsuutigineqanngilaq.

6. Innuttaasunut sunniutissat

Siunnersuut innutaasunut sunniuteqassasoq ilimagineqanngilaq.

7. Sunniutissat malunnaatillit allat

Siunnersuut allanik pingaaruteqartunik kinguneqartussatut naatsorsuutigineqanngilaq.

8. Oqartussaasunut, suleqatigiiffinnut allanullu tusarniaaneq

Siunnersuut piffissami 11. juni 2018-imiit 6. juli 2018-imut Naalakkersuisut tusarniaanermut nittartagaani tamanit takuneqarsinnaasimavoq, makkununngalu tusarniutigineqarsimalluni: Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Ineqarnermut Attaveqaqatigiinnermillu Naalakkersuisoqarfik,, Aningaasaqarnermut Naalakkersuisoqarfik, Inuussutissarsiusutnuk Nukissiuuteqarnermullu Naalakkersuisoqarfik, Aatsitassanut, Suliffeqarnermut Nunamullu Namminermut Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Isumaginninnermut Inatsisinillu Atuutsitsinermut Naalakkersuisoqarfik, Avannaata Kommunia, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Nunatta Isiginaartitsisarfia, SILA, Kalaallit Atuakkiortut, EPI, KIMIK, NAPA, Katuaq, Taseralik, Kalaallit Nunaata Radioa, NTK, Sulisitsisut, NUSUKA og SIK.

Tusarniaaffigineqartunit makku tusarniaanermut akissuteqarput: Naalakkersuisut Siulittaasuata Naalakkersuisoqarfia, Isumaginninnermut Inatsisinillu Atuutsitsinermut Naalakkersuisoqarfik, Katuaq, Peqqissutsimut Ilisimatusarnermullu Naalakkersuisoqarfik, Aningaasaqarnermut Naalakkersuisoqarfik, Nunatta Isiginnaartitsisarfia aamma Kommune Kujalleq.

Nunatta Isiginnaartitsisarfianit tusarniaanermut akissutigineqartup kingunerisaanik isiginnaartitsisarfiup, Ilanniartitaanermut, Kultureqarnermut Ilageeqarnermullu Naalakkersuisoqarfiup aamma Aningaasaqarnermut Sulisoqarnermullu Aqutsisoqarfiup akornanni siunnersuummi § 1, imm. 4 oqallisigineqarsimavoq. Soorlu immikkoortoq 2.2.-mi siulianiittumi taaneqareersoq aalajangersakkap oqaasertalernerata allanngortinneranik kinguneqarsimavoq. Nunatta Isiginnaartitsisarfia aamma Aningaasaqarnermut Sulisoqarnermullu Aqutsisoqarfik tunngaviusumik isumaqatigiissut aqqutigalugu aaqqissuussinermut siunnersuutigineqartumut naammagisimaarinnillutik nalunaarsimapput.

Aammattaaq tusarniaareerenerup kingorna siunnersuutigineqarpoq § 4, imm. 5 aamma 6 nutaamik oqaasertalerneqassasut, kattuffiit § 4, imm. 2, nr. 1, 3 aamma 4-mi eqqaaneqartut arlaat taaguumminik allannguissagaluarpata atorunnaarsinneqassagaluarpataluunniit qanoq iliuseqartoqarnissaanik aalajangersaammik.

Nr.	Tusarniaavigineq artoq	Oqaaseqaatit	Oqaaseqaatigineqartumut oqaaseqaatit
1.	Naalakkersuisut Siulittaasuata Naalakkersuisoqarfia	Siunnersuummut oqaaseqaateqanngilaq.	Siunnersuummi allanngortitsisoqarnissaanik tunngaviliinngilaq
2.	Isumaginninnermut Inatsisinillu Atuutsitsinermut Naalakkersuisoqarfik	Siunnersuummut oqaaseqaateqanngilaq.	Siunnersuummi allanngortitsisoqarnissaanik tunngaviliinngilaq
3.	Katuaq	Isiginnaartitsisarfearneq pillugu inatsisip allanngortinnissaanut siunnersuut atuarsimavarput, siunnersummullu Katuamit oqaaseqaatissaqanngilagut. Iluarpoq Nunatta Isiginnaartitsisarfia siulersuisut katitigaanerinut kissaatai tusarniarneqarsimammata.	Siunnersuummi allanngortitsisoqarnissaanik tunngaviliinngilaq

		<p>Kommunit tamaasa sinnerlugit ilaasortassamik toqqaaniarnissamut periutsimik eqaatsumik nassaartoqassasoq neriuutigaarput.</p> <p>Nunatta Isiginnaartitsisarfia suliaminik nangitsilluarnissa Katuomit kissaatigaarput.</p>	
4.	Peqqissutsimut Ilisimatusarner- mullu Naalakkersuisoqar- fik	Siunnersummut oqaaseqaateqanngilaq.	Siunnersummi allanngortitsisoqarnissaanik tunngaviliinngilaq
5.	Aningaasaqarner- mut Naalakkersuisoqar- fik	Siunnersummut oqaaseqaateqanngilaq.	Siunnersummi allanngortitsisoqarnissaanik tunngaviliinngilaq
6.1.	Kalaallit Nunaata Isiginnaartitsisarfia	<p>Siulersuisut katitigaanerannut tunngatillugu inatsisisatut siunnersummi allannguutissatut siunnersummut tunngatillugu</p> <p>Nunatta Isiginnaartitsisarfia oqaaseqaatissaqanngilaq.</p>	Siunnersummi allanngortitsisoqarnissaanik tunngaviliinngilaq.
6.2.	Nunatta Isiginnaartitsisarfia	<p>Isiginnaartitsisarfimmi sulisut akissarsiaqartitaanerannut tunngatillugu oqaatigineqassaaq</p> <p>Nunatta Isiginnaartitsisarfia atugassarititat Namminersorlutik Oqartussani sulisunut tamanut atuuttut malittussaagai allannguutissatut siunnersummi takuneqarsinnaammatt.</p> <p>Aallarniutigalugu oqaatigineqassaaq Nunatta Isiginnaartitsisarfia paasisinnaalluarmagu inatsisisitigut allanngortitsinermi missingersuutit aqunnerinut pingaarnertigut allannguisoqarnissa kissaatigineqarmat, soorlu tamanna assersuutigalugu KNR-imut</p>	Siunnersummi allanngortitsisoqarnissaanik tunngaviliinngilaq.

		tunngatillugu radioqarneq tv-qarnerlu pillugit inatsimmi § 35-imik aalajangersakkamik assingusumik peqartoqarmat, tassanilu nassuiaatigineqartut allannguutissatut siunnersuummut matumunnga nassiunneqartumut assersunneqarsinnaallutik.	
6.3.	Nunatta Isiginnaartitsisarfia	<p>Inatsimmik allangquinermut pineqartumut tunngatillugu oqaatigineqassaaq</p> <ul style="list-style-type: none"> • Nunatta Isiginnaartitsisarfia talornisigimmagu Nunatta Isiginnaartitsisarfiani atorfinnut tamanut tunngatillugu, minnerunngitsumik pilersaarutinut atorfinititsisarnerpassuit eqqarsaatigalugit, Namminersorlutik Oqartussat isumaqatiginninniarternut immikkoortortaata aamma suleqatigiiffit isumaqatigiinniarsinnaatitaasut akornanni isumaqatigiissutinik atsiortoqarsimanersoq. Taamaattoqarsimannngippat Nunatta Isiginnaartitsisarfia qanoq iliortoqarsinnaanersoq paaserusuppa, tassami Nunatta Isiginnaartitsisarfia sulineranut tunngatillugu allattoqarfimmik atorfinnik assersunneqarsinnaasunik amerlasuunik soqarunannngimmat. • Nunatta Isiginnaartitsisarfia maluginiarmagu Katuaq Nuummiittoq, Taseralik Sisimiuniittoq kiisalu suliffeqarfiiit kulturimik sammisaqartut Namminersorlutik Oqartussanit 	<p>Oqaaseqaatigineqartoq aalajangersakkap allatut oqaasertalernissaanik pisariaqartitsilersimavoq, taamaallunni Nunatta Isiginnaartitsisarfia paarlattuanik tunngaviusumik isumaqatigiissutaa Nunatta Isiginnaartitsisarfia Naalakkersuisullu atsiorneqartut iluaniinnissaanik pisussaaffilerneqarsimammat.</p> <p>Siunnersuummi § 1, nr. 4-mi aalajangersagaq taamaallaat Nunatta Isiginnaartitsisarfiani atorfinititsisinernt atuuppoq, taamaallunilu suliffeqarfinnut kulturilerinermik sammisaqartunut allanut atuutsinneqarnani.</p>

		pigineqartut assingusut qanoq iliussanersut inatsisini soqtigineqarunananngimmat	
6.4.	Nunatta Isiginnaartitsisarfia	Nunatta Isiginnaartitsisarfia erseqqissassavaa Namminersorlutik Oqartussani isumaqatigiissutaasunut tunngatillugu atorfinititsisarnerni minneruniartoqarnissaanik anneruniartoqarnissaanillu kissaateqartoqanngimmat, kisiannili Isiginnaartitsisarfimmi atorfinititsinerit ilaanni isumaqatigiissutinik pisortaneersunik nassaassaqaqtarnavianngimmat. Tassungalu ilaavoq Nunatta Isiginnaartitsisarfia soorunami Katuamut Taseralimmullu allanullu Kalaallit Nunaanni suliffeqarfinnut kulturilerinermik sammisalinnut isiginnaartitsisartut/isiginnaagassior- tartut sulisullu pikkorinnerpaat tungaasigut unammillertuummat. Nunatta Isiginnaartitsisarfia Namminersorlutik Oqartussani isumaqatigiissutaareersunik malinneqqullugu pisussaaffeqarmat imaanngilaq Nunatta Isiginnaartitsisarfia siunissami isiginnaartitsissutinik sanasarnissaani holdinik pitsaanerpaanik sulisitsisarnissaa periarfissaarutissasoq.	Nunatta Isiginnaartitsisarfia oqaaseqaatai siunnersummi allanngortitsinissamik tunngaviliinngillat. Tassunga atatillugu tusarniaanermut akissummut nr. 6.3.-mut oqaaseqaatit innersuussutigineqassapput.
6.5.	Nunatta Isiginnaartitsisarfia	Kiisalu Taseralik Katuarlu Nunatta Isiginnaartitsisarfia tungaaniit isigalugit naligisatut isigineqartariaqarmata - matumani Nunatta Isiginnaartitsisarfiatut pisortat suliffeqarfiutaattut innatik pisortanit pigineqarlutik inuuussutissarsiuutit ingerlataammata - taamaammallu	Nunatta Isiginnaartitsisarfia oqaaseqaatai siunnersummi allanngortitsinissamik tunngaviliinngillat. Tassunga atatillugu tusarniaanermut akissummut nr. 6.3.-mut oqaaseqaatit innersuussutigineqassapput.

		Nunatta Isiginnaartitsisarfiata inatsisinut tunngatillugu nalilerlugu suliffeqarfiiut pineqartut ingerlannerinut naliqinnginnermik pilersitsisoqartoq, tamannalu pisortani assigiimmik pinnittoqartarnissaanut akerliusutut oqaatigineqarsinnaanani.	
6.6.	Nunatta Isiginnaartitsisarfia	Isiginnaartitsisarfimmi atorfinititsinermi isumaqatigiissutinik atuiffiunngitsuni aammalu isumaqatigiissummi sulisartup tungaanniit isigalugu isiginnaartitsisarfimmi akissarsiaritinneqartunit akissarsiat ikinnerusimatillugit Nunatta Isiginnaartitsisarfianiit inussiarnersumik tusarusunneqassaaq inatsisip atuutilerneranut atatillugu sulisut atugassarititaasut ajornerusut atorlugit soraarsinneqariarlutik sulisinneqartalernissaat naatsorsuutaanersoq.	Nunatta Isiginnaartitsisarfiata oqaaseqaatai siunnersummi allangortitsinissamik tunngaviliinngillat. Tassunga atatillugu tusarniaanermut akissummut nr. 6.3.-mut oqaaseqaatit innersuussutigineqassapput.
7.1	Kommune Kujalleq	Nunatta isiginnaartitsisarfiata ingerlanneranut kommunit suli sunniuteqartarnissaannik Naalakkersuisut siunertaqarmata Kommune Kujalleq naammagisimaarinnippoq.	Siunnersummi allangortitsisoqarnissaanik tunngaviliinngilaq.
7.2		Aammattaaq siunnersuutigineqartutut nunatta isiginnaartitsisarfianut siulersuisut katitigaanerisa allangortinnissaannik pisariaqartitsisoqarmat kommunii isumaqataavoq. Peqatigitilluguli allannguutit siunnersuutigineqartut tullinnguuttuni ersersinneqartutut nalornisitsilersinnaasut kommunii	Aallarniutigalugu oqaatigineqassaaq inassut inatsisit tungaasigut isigalugu innersuussummut assersunneqarsinnaammata, tassanilu tigusisussamut inatsisitigut pisussaaffiunani. Tamanna aamma Inatsisartut inatsisaanni § 7, imm. 4-mut nassuaatini atuarneqarsinnaavoq.

	<p>isumaqarpoq. Siunnersuutigineqartullu tassaapput § 4, imm. 2, nr. 2 aamma § 4, imm. 4 (KANUKOKA-patorunnaarsinnera):</p> <p>Kommune Kujalleq isumaqarpoq kommunit siulersuisuni ilaasortassamik inassuteqarnissaanni kommunit isumaqatigiissimappata Naalakkersuisut inassutigineqartumik taassuminnga malinninnissaat inatsimmi ersersittariaqartoq. Tamannami kinguneriinnartussaavaa, tassami kommunit arlariinnik inassuteqarsimassappata Naalakkersuisut inassutigineqartut akornanniittunik toqqaanissaminnik pisussaaffilerneqarmata.</p> <p>Kommune Kujalleq aamma isumaqarpoq tulluarnerpaajussasoq maleruagassanik arlalinnik aalajangersaasoqartuuppat, matumani arlariinnik kommuni inassuteqarsimappat Naalakkersuisut qanoq ilillutik kommunit sinniisissaannik toqqaasarnissaannut maleruagassanik arlalinnik aalajangersaanissami suna tulluarnerpaajussanersoq.</p> <p>Kommune Kujallermiit pingaartutut isumaqarfingineqarpoq assersuutigalugu sumi najugaqarneq kisimi apeqqutaatinneqartassanganngitsoq, soorlu inassutigineqartoq Nuummiunersoq, kisiannili suliffissamut kina tulluarnerpaajunersoq tunngavigalugu ataatsimut naliliineq aallaaviusassasoq.</p>	<p>Aammattaaq aalajangersakkami tassani takuneqarsinnaavoq siuliani inassummut taaguutigineqartoq sanequnneqareersimasoq, tassalu aalajangersakkami erseqqissumik takuneqarsinnaammat inassuteqartussat piukkussaminnik inassuteqarniartillutik assigiimmik inassuteqarsimappata Naalakkersuisut piukkussamik toqqaassallutik pisussaaffeqartut. Aammattaaq takuneqarsinnaavoq Naalakkersuisut isumaqatigiinngitsoqartillugu pisussaaffeqartut, tassalu Naalakkersuisut taamatut pisoqarsimatillugu taamaallaat inassutigineqartut akornanni piukkussamik toqqaasinnaammata. Naalakkersuisut taamatut pisoqartillugu ataatsimut nalilersuereernikkut piukkunnarnerpaamik toqqaassapput.</p>
--	--	---

7.3.	<p>Kommune Kujalleq oqaaseqaatini nalinginnaasuni erseqqissarneqartunut isumaqataasinnaavoq, tassalu pissusissamisoortuussasoq kommunit inassuteqarnerminni/arlariinnik inassuteqarnerminni isiginnaagassiortartutut sulineq piumasaqaatitut ilannguttarnissaa. Taamaattoq kommunit namminersortitaasinnaanerisa kingunerisaannik kommunit namminneerlutik nalilersinnaasariaqarpaat piumasaqaatit sorliit tunngavigalugit ilaasortassamik inassuteqartoqartassanersoq, piumasaqaatillu taakku qanoq isillugit oqimaalutarneqartassanersut.</p>	<p>Oqaaseqaatigineqartoq siunnersuummut nassuaatini erseqqissaasoqarnissaanik kinguneqarsimavoq, tassalu ilaasortassamik inassuteqarnissami piumasaqaatit sorliit aallaavagineqartassanersut, piumasaqaatillu taakku qanoq oqimaalutarneqartassanersut kommunit namminneerlutik nalilertassagaat.</p>
7.4	<p>§ 4, imm. 2, nr. 4 siunnersutigineqartoq: Kommune Kujalleq siulersuisuni ilaasortap aqutsinikkut paasisimasaqarnissaa pisariaqartinneqarsinnaammatt isumaqataavoq. Kommunimiilli paassiumaatsinneqarpoq sooq tamanna Kalaallit Sulisitsisunut inassuteqarnissamut pisinnaatitaaffik aqqutigalugu anguniarneqassanersoq. Kalaallit Sulisitsisut ilaasortaasa avataanni ilaasortassanik piukkunnaatilinnik peqarnissaa ilimagisariaqarpoq, taamaammallu kommunimit inassutigineqarpoq siulersuisunut ilaasortassamik aqutsinermik paasisimasalimmik toqqaanissami inassuteqarneq aallaavagineqassanngitsoq, kisiannili periarfissallit iluamik misissuiffiginerisigut tamanna</p>	<p>Siunnersummi allanngortitsisoqarnissaanik tunngaviliinngilaq.</p> <p>Siullertut oqaatigineqassaaq Kalaallit Sulisitsisut inassuteqarsinnaatitaanerat isumaqanngimmat Kalaallit Sulisitsisut pinngitsooratik Kalaallit Sulisitsisut ilaasortaasa akornanniittumik inassuteqassasut.</p> <p>Aappaattullu Naalakkersuisut isumaqarput Kalaallit Sulisitsisut pisinnaasanik kissaatigineqartunik kina peqarnersoq nalilissallugu tulluartuussasut.</p>

		pissasoq, tassanilu soorunami - pisariaqanngilarli - namminersorlutik inuussutissarsiuteqartunut killeqartillugu.	
7.5		§ 7 a siunnersuutigineqartoq: Kommune Kujalleq isumaqarpoq aalajangersagaq itilertariaqartoq, tassami aalajangersagaq taamatut isikkoqartillugu aammalu aalajangersakkamut nassuaatinut assersuullugu nalornilersitsimmat qanoq isilluni Nunatta Isiginnaartitsisarfia qitiusumik kattuffinnut nammineerluni isumaqatigiinniarsinnaatitaanng immat.	Oqaaseqaatit siunnersuummut nassuaatit erseqqissaaffigineqarnissaannik pilersitsivoq, tassalu Nunatta Isiginnaartitsisarfia qitiusumik kattuffinnut nammineerluni isumaqatigiinniarsinnaatitaanng immat. Tusarniaanermullu akissummut 6.3-mut oqaaseqaatit innersuussutigineqarput.
7.6		§ 2-mut, atuutilersitsineq: Kommune Kujallermiit tulluartutut isigineqassagaluarpoq, immaqa inatsisisstatut siunnersuummut nassuaatit aqqutigalugit, massakkut kommunip siulersuisuni sinniisuutitaa allamik toqqaasoqarnissaata tungaanut ingerlaannarsinnaappat, matumani KANUKOKA-p atorunnaarsimanera apeqquataatinnagu.	Massakkut siulersuisuusut atuuffiat 31. juli 2019 naassaaq. Tamanna siulersuisunut tamanut atuuppoq, taamaalillunilu aamma ilaasortamut KANUKOKA-mit inassuteqarnikkut toqqarneqarsimasumut atuulluni.

Inatsisisstatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut.

§ 4, imm. 2, nr. 2-mi aalajangersakkatigut kommunit tamarmik inassuteqartarnermut ilaatinneqarnissaat qulakteerneqarpoq.

Kommunit namminneq ilaasortassamik pineqartumik toqqaanissaq ataqtigiissassavaat.

Nr. 2-mut

Aalajangersagaq § 4, imm. 2-p nutaamik oqaasertalernissaanik siunnersuuteqartoqarnerup inerneratut isigineqassaaq. Kommunit akunnerminni piukkussanik inassuteqarneranni isumaqatigiinngitsoqassagaluarpat erseqqissaasoqarnissaa pillugu aalajangersagaq ilanngunneqarpoq.

Nr. 3-mut

Aalajangersakkat ilanngunneqarput qanoq iliuseqartoqarnissaanik erseqqissaaniarluni, kattuffiit § 4, imm. 2, nr. 1, 3 aamma 4-mi eqqaaneqartut arlaat taaguumminik allannguissagaluarpata atorunnaarsinneqassagaluarpataluunniit.

Naggatip pingajuata kingorna kattuffiup inassuteqarsinnaasup atorunnaarneratigut Naalakkersuisut ilaasortamik toqqaassappata, Naalakkersuisut tassunga atatillugu inassuteqaammik pituttuinngitsumik kattuffimmut imaluunniit kattuffinnut sammisamut suliaqartunut piniarsinnaapput.

Siunnersummut nalinginnaasumik nassuaatit aamma innersuussutigineqarput.

Nr. 4-mut

Immikkoortoq 1-im i aalajangersakkatigut Nunatta Isiginnaartitsisarfia atorfinitssinernut atugassaritanut allatullu pissutsinut tunngatillugu, atorfinitssinernut soraarsitsinerillu nalaanni pissutsinut, tunngaviusumik isumaqatigiissutip Nunatta Isiginnaartitsisarfia Naalakkersuisullu akornanni atsiorneqartup iluanni pisussaaffeqarnerat aalajangersagaavoq. Tunngaviusumik isumaqatigiissummi isumaqatigiissut tassaavoq suliassaqarfinnut erseqqinnerusumik aalajangersaaffigineqartunut pingarnertut tunngaviliussat nassuiardeqfiat, kisiannili tunngaviliussat taakku iluanni Nunatta Isiginnaartitsisarfia immikkut pissutsinut isiginnaartitsisartoqarnermi atorfinitssinissanut tunngatillugu kiffaanngissuseqalernera.

Aalajangersakkami immikkoortoq 2-mi isumaqatigiissut minnerpaamik sunik imaqassanersoq aalajangersagaavoq. Atorfinitssinernut atatillugu pissutsit taaneqartut pingarnertut tunngaviliisutullu isigineqassapput, taakkulu aqqutigalugit atorfinitssinerit atugassaritat taamaattut atorlugit qulakteernerisigut aningaasartutinik aqtsinissamut tunngatillugu pingarnertut isiginiagassat aamma Namminersorlutik Oqartussat suliffeqarfiutaanni assigiimmik atugassaqartitsinissat qulakteernissaasa ataqqineqarnissaat eqqarsaatigalugu.

Illuatungeriit tulluartutut isigissappassuk tunngaviusumik isumaqatigiissummi aalajangersakkami taaneqareersut saniatigut pissutsit allat ilanngunneqarsinnaassapput.

§ 2-mut

Ulloq 1. august 2019 inatsimmik atuutsitsilernissaq aalajangerneqarpoq Nunatta Isiginnaartitsisarfiani siulersuisunut ilaasortassanik toqqaanissamut siunnersuutip

sunniuteqarsinnaanera siunertaralugu. Ullumikkut siulersuisuusut atuuffiat 31. juli 2019-ip tungaanut atuuppoq. Tamanna siulersuisunut tamanut atuuppoq, taamaalillunilu aamma ilaasortamut KANUKOKA-mit inassuteqarnikkut toqqarneqarsimasumut atuulluni.